



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 1. Vtrum Homo poßit consequi beatitudinem.

---

[urn:nbn:de:hbz:466:1-72898](#)

ficietur; vbi temperamenti erit præstantissimum?) partim ex aliquo fortè liquore cœlesti diuinitus infuso, quem credibile est etiam per stomachum ceteraque interiora diffundendum. Nam hæc membra postulant aliquem humorem externum, quo lubrica & humida conseruentur. Tactus autem suam beatitudinem habebit tum ex aura cœlesti & cœlestis corporis attacū, tum ex intimo sensu optimi temperamenti. Nam homo perfèctè sanus ipsam corporis bonam constitutionem in se suauiter sentit.

*Vis imaginatrix & appetitus inferior suum habent buni beatitudinem.*  
1. quatenus mouentur ab obiectis.  
Infertur Quinto, Vim imaginatricem & appetitum sensituum suam quoque beatitudinem habitibus, idque dupliciter. Primo, secundum se, quatenus mouentur obiectis sibi commensis. Sic beatitudo imaginatricis consistet in imaginatione præstantissimorum obiectorum, quæ sensibus externis percipientur. Appetitus vero sensitius in delectatione hinc consequente: delectatio enim in appetitu sensitiu sequitur ex applicatione sensuum, & rebus sensibilibus, tamquam ex integro obiecto; nempe tamquam ex re & possessione rei; ut supra diximus in simili: ex imaginatione verò horum, tamquam ex conditione seu applicatione obiecti. Sicut enim gaudium in voluntate sequitur ex bono præsente tamquam ex obiecto de quo gaudet; ex intellectione verò tamquam ex conditione applicante & proponente obiectum: ita delectatio in appetitu inferiori sequitur proportionaliter.

Secundo, Quatenus mouentur per quandam <sup>2. quatenus</sup> sympathiâ ab intellectu & voluntate. Sicut enim <sup>mouentur</sup> naturaliter nihil possumus intellectu percipere, nisi id ipsum per vim imaginatricem corporali specie in nobis depingamus; ita vicissim id quod <sup>per sympathiam ab intellectu & voluntate</sup> per intellectum pure & spiritualiter intelligitur (quamvis supernaturaliter intelligatur) potest imaginatrix suo modo in se formare, siveque appetitum inferiorem mouere. Hinc fiet ut ex vi visionis Dei imaginatrix sit applicanda ad apprehendendum Deum suo modo, v.g. tamquam infinitam lucem & dulcedinem animæ; & consequenter appetitus sensitius maximam delectationem ex Deo sic apprehensio sit percepturus.

Confirmatur 3: quia si in hac vita ex contemplatione intellectus & gaudio voluntatis, interdum tanta suauitas in vires inferiores redundet, vt corporis imbecillitas eam vix ferat ( iuxta illud Psalmi 72: Defecit caro mea, & cor meum, Deus cordis mei & pars mea Deus in eternum. Et Psalm, 83: Cor meum & Caro mea exultauerunt in Deum vivum &c.) quanta ibi redundatura est delectatio in vires inferiores ex clara visione & fruitione Dei?

Hinc sequitur; Deum non tantum fore obiectum beatificum virium superiorum; sed etiam modo quadam, inferiorum; scilicet imaginatricis & appetitus sensitivi.

## Q V A E S T I O Q V I N T A.

### De consecutione Beatitudinis.

#### ARTICVLVS PRIMVS.

##### Vtrum homo posset consequi Beatitudinem?

**C**onclusio est affirmans. Patet ex Scripturis, quæ docent hominem posse consequi vitam æternam, cœlestia gaudia, regnum cœlorum, visionem Dei, & similia, quibus vera beatitudo significatur. Matth. 25. 23. 6. 8. prioris ad Cor. 12. 1. Ioan. 3.

D V B I V M.

*Vtrum ratione naturali certè cognosci posset hominem posse perfèctè beari?*

**S**cotus af. <sup>2.</sup> Cetus in 4. d. 49. q. 8. affirmat. Verius tamen credo non posse id ullis rationibus naturalibus omnino certò conuinci. Ita refutatur. Plerique Doctores. Cuius signum est quod nemo Philosophorum hactenus cognovit Deum ab homine clare posse videri; in qua clara visione consistit vera beatitudo, & nusquam alibi. Si enim aliquis illorum id putas fieri posse, haud dubiè statueret in eo beatitudinem. Itaque mysterium est supernaturale id fieri posse; vt docetur 1. parte. q. 1. & 12.

Rationes quibus probari videtur quod ratione naturali id cognosci possit, non conuincunt: ea sunt possimum ducē.

Prior est, quod homo per intellectum & voluntatem sit capax boni vniuersitatis.

Ad quam responderi potest: verum id esse hoc sensu. Hominem posse aliquo modo omne bonum intellectu apprehendere, & voluntate appetere, hinc tamen non conuincit posse omne bonum perfectè & intuitiuè cognoscere.

Altera est, qui cognoscit effectum, desiderat videre causam: atqui hoc desiderium naturale non potest esse frustra: ergo potest expleri. Non expletur autem nisi videat causam, ergo &c.

Responderi potest; hoc arguento, si efficax esset; probatum iri hominem non solum posse videre Deum, sed etiam recipere visum; aliqui desiderium naturale frustraretur: hoc tamen sola fide credimus: potuisse enim Deus hominem condere in nuda natura, & ad visionem beatificam non destinare;

Addit, non esse evidens id omne fieri posse quod homo sic naturaliter desiderat: aut huiusmodi desiderium non posse esse frustra. Non enim est efficax, sed velleitas tantum, & simplex affectio, quæ etiam impossibilium esse potest; vt docet Aristoteles 3. Ethic. cap. 2. & infra ostendetur.

Hæ tamen rationes faciunt veritatem illam fastis probabilem & rationi consonam, quamvis non conuincant.